

आकाशवाणी

खास—खास खबरां

- अंतर्राष्ट्रीय योग दिवस समूलचे भारत च जोशो—खरोश कन्नै मनाया गेआ। राष्ट्रपति द्रौपदी मुर्मू होरें वैश्विक मंच पर योग गी बढ़ावा देने भारत दी भूमिका दे बारे लोह पाई।
- प्रधानमंत्री नरेन्द्र मोदी होरें वैश्विक तनाह बश्कार योग दी भूमिका दे बारे दस्सेआ ते आखेआ जे शांति गी बल्ल दस्सदा ऐ योग।
- डीजीसीए नै एयर इंडिया गी त्रै अधिकारिणं गी तुरत प्रभाह कन्नै हटाई दे।
- टापरेशन सिंधु तैहत् नेपाल ते श्रीलंका दे लोकें गी बी ईरान थमां सुरक्षत कड्डा'रदा ऐ भारत।
- मली ब'रे 2025—26 लेई सकल प्रत्यक्ष कर संग्रह 4.8—6 फीसद बधियै कोई 5.4—5 लख करोड़ रपे होआ।

<><><><><><><>

Yoga Day

अंतर्राष्ट्रीय योग दिवस समूलचेमुल्खा व पूरे जोरें शोरें कन्नै मनाया जा'रदा ऐ। राष्ट्रपति द्रौपदी मुर्मू होर अज्ज देहरादून च पुलस लाइन च आयोजित योग शिविर च शामिल होइयां। विश्व मंच पर योग गी बढ़ावा देने च भारत दी महत्वपूर्ण भूमिका पर लोह पांदे होई राष्ट्रपति होरें आखेआ जे वैश्विक समुदाय हुन योग प्रति मता सम्मान रखदा ऐ ते महाद्वीपें दे लोक एहदे थमां लाह दुआ'रदे न। लद्दाख च बी अंतर्राष्ट्रीय योग दिवस कारगिल च खीर सुल्तान चू स्पोर्ट्स स्टेडियम च मनाया गेआ। गोवा च मुख्यमंत्री डॉ. प्रमोद सामंत हुंदे नेतृत्व च बी कार्यक्रम होआ। महाराष्ट्र च बी अंतर्राष्ट्रीय योग दिवस मनाया गेआ जिस च सरकारी कर्मिणं, संस्थानें ते जनता बी शामिल होई। महाराष्ट्र दे गवर्नर सी.पी.राधाकृष्णन होरें राज भवन च अंतर्राष्ट्रीय योग दिवस च शमूलियत कीती। केन्द्रीय मंत्री सदानंद सोनोवाल हुंदे

नेतृत्व च मुंबई च कार्यक्रम होआ। बंज बपार ते उद्योग दे केन्द्रीय मंत्री पीयूष गोयल होरें कनहारी केव्स, दहीसर ते मुंबई च कांडीवाली च आयोजित योग कार्यक्रमें च शामिल होए। युवा मामलें ते खेउड लेई केन्द्रीय मंत्री रक्षा खालसे होर बी भूसनल च अंतराष्ट्रीय योग दिवस कार्यक्रम च शिरकत कीती। मध्यप्रदेश च 11मां अंतराष्ट्रीय योग दिवस जोशो-खरोश कन्नै मनाया गेआ। राज्य स्तरीय योग अभ्यास सत्र भोपाल दे अटल पथ पर आयोजित कीता गेआ। मुख्यमंत्री डॉ. मोहन यादव, केन्द्रीय जनजातीय मामले दे राज्य मंत्री दुर्गा दास उइके होर अभ्यास च हिस्सा लैता। केन्द्रीय राज्य मंत्री सावित्री ठाकुर होरें धार दे मंदू च योग अभ्यास कीता।

तोआई देश-दुनिया दे बक्ख-बक्ख हिस्सें आहला लेखा जम्मू संभाग च बी अज्ज 11मां अंतराष्ट्रीय योग ध्याड़ा पूरे जोश ते एकता दी भावना कन्नै मनाया गेआ। सार्वजनिक पार्क थमां लेइयै सरकारी दफतरें तगर च लोकें खरी मती गिनतरी च किट्टे होइयै योग अभ्यास कीता ते शारीरिक ते मानसिक तंदरुस्ती दा स्नेहा पूरी दुनिया तोहड़ी पुजाया। सेहत ते डाक्टरी शिक्षा मैहकमे दिएं मंत्री सकीना इत्तू होरें अज्ज श्रीनगर दे एस.के.आई.सी.सी. च योग दिवस आहले मुख्य कार्यक्रमै दी अगुवाई कीती। मुख्य सचिव अटल डुल्लू, बक्ख-बक्ख प्रशासनिक सचिवें, मैहकमें दे प्रमुखें ते खरी मती गिनतरी च मुकामी लोकें ते विद्यार्थिं बी इस कार्यक्रमै च हिस्सा लैता। इसै चाल्ली जम्मू दे गुलशन ग्राउंड च लोआए गेदे योग आहले मुख्य कार्यक्रम दी अगुवाई ट्रांसपोर्ट मंत्री सतीश शर्मा होरें कीती। इस मौके पर मंत्री होरें योग दे बक्ख-बक्ख आसन कीते ते होरनें बी योग दे महत्व बारै जागरूक बनाया। तोआई जम्मू-कश्मीर ते लद्दाख हाईकोर्ट आसेआ बी अज्ज जम्मू ते श्रीनगर आहले अदालती परिसरें च योग दे कार्यक्रम आयोजित कीते गे। इसै चाल्ली जम्मू संभाग दे बन्ने आहले जिले सांबा च बी 11मां अंतराष्ट्रीय योग दिवस बड़े जोश ते एकता दी भावना कन्नै मनाया गेआ। मुख्य कार्यक्रम दा आयोजन रानी सुचेत सिंह स्पोर्ट्स स्टेडियम च कीता गेदा हा। इस मौके उपपर आकाशवाणी समाचार कन्नै गल्ल करदे होई सांबा दे डिप्टी कमिशनर राजेश शर्मा होरें आखेआ जे अज्जै दे समें च हर कुसै लेई योग दा बड़ा मता महत्व ऐ।

तोआई फ्हाड़ी जिले किशतवाड़ च बी अज्ज 11मां अंतराष्ट्रीय योग दिवस जोशो-खरोश कन्नै मनाया गेआ। पंजाब च बीएसएफ नै एक परिवार एक स्वास्थ्य के लिये योग थाम उपपर अटारी, संयुक्त चौकी पर बशेष योग कार्यक्रम अयोजित कीता। जिस च अमृतसर च बन्ने आले ग्राएं दे लोक बी शामिल होए। इस मौके पर बीएसएफ पंजाब, सीमावर्ती क्षेत्र महानिदेशक डॉ. अतुल फुलजेले होरें आखेआ जे परिसर च बी याग दिवस मनाया गेआ। केन्द्रीय स्वास्थ्य मंत्री जे.पी.नड्डा होरें कर्तव्य पथ पर कार्यक्रम च शिरकत कीती। किश मंत्री डॉ.एस.जयशंकर होरें बक्ख-बक्ख देशें दे दूतें नै नेहरू पार्क च योग अभ्यास कीता। राई-बाई मंत्री शिवराज हसंह चौहान होरें पोसा च लखपति दीदिएं कन्नै अंतराष्ट्रीय योग

दिवस कार्यक्रम दा मकसद बल दी टुकड़िएं दा सीमावर्ती ग्राएं दे लोकें कन्नै मेलजोल बधाना ऐ। 11में अंतर्राष्ट्रीय योग दिवस दे मौके राश्ट्रीय राजधानी दिल्ली च बी केन्द्रीय मंत्रिएं, नेताएं ते अधिकारिएं योग आयास बड़े गै जोश कन्नै कीता। लोकसभा स्पीकर ओम बिरला हुंदे नेतृत्व च संसद भवन कार्यक्रम च अभ्यास कीता। विश्व च अंतर्राष्ट्रीय योग दिवस दे मौके पर ज्हारें योग उत्साही लोकें स्वास्थ्य, ध्यान ते दीर्घकालीक जीवन पर केन्द्रित कार्यक्रम च हिस्सा लैता। ब्रिटेन च आक्सफोर्ड ते कमब्रिज जनेई प्रमुख विश्वविद्यालय च विशेष कार्यक्रम आयोजित कीते गे। न्यूयार्क च भारत दे महावाणिज्य दूतावास नै अमरीका च समारोह दी मेजबानी कीती। टाइम्स स्केयर पर विशेष योग सत्र दा बी आयोजन कीता गेआ। जापान दे टोक्यू च बौद्ध मंदर त्सूकिजी होगवानजी च आयोजित कार्यक्रम च 2 जहार शा मते लोक योग दिवस मनाने लेई शामिल होए। सिंगापुर च लोक गार्डन्स बॉय द रे च किट्ठे होए ते प्रतिशिष्ट सुपर ट्री दे कन्नै योगासन दा अभ्यास कीता। सिंगापुर च भारतीय उच्चायुक्त नै सोशल मीडिया पर इस ब'रे दी थीम उक पृथ्वी ऐ स्वास्थ्य के लिए योग सांझा कीता। इस दिन गी मनाया न्यूजीलैंड, फिरी, पापुआ न्यू ग्याना ते टोंगा सनें केई प्रशांत देशें च भारतीय उच्चायोग नै बी योग प्रतिभागिएं कन्नै अभ्यास योग दिवस समारोह दा आयोजन कीता।

<><><><><><>श

PM Yoga Day

प्रधानमंत्री नरेन्द्र मोदी होरें अज्ज आखेआ ऐ जे दुनिया दे बक्ख-बक्ख हिस्सें च बधै करदे तनाऽ, अशांति ते अस्थिरता दे हालात च योग, स्थाई शांति दी बत्त दस्सने दा कम्म करदा ऐ। प्रधानमंत्री होरें शांतिपूर्ण, संतुलित ते टिकाउ दुनिया दे निर्माण लेई सांझे जतनें दे महत्त्व पर लोऽ पाई। अज्ज 11में अंतर्राष्ट्रीय योग दिवस दे मौके उप्पर आंध्र प्रदेश दे विशाखापत्तनम च आयोजित योग दे कार्यक्रमै च हिस्सा लेंदे होई श्री मोदी होरें आखेआ जे योग गै मनुक्खता गी खुल्लियै साह लैने ते संतुलित बनाने दी बुनियाद ऐ। श्री मोदी होरें आखेआ जे इस ब'रे अंतर्राष्ट्रीय योग दिवस दा विशे-सार ऐ 'इक घरत-इक सेहतू लेई योग' ते एह असें'गी चेत्ता दोआंदा ऐ जे कि'आं पूरी दुनिया किट्ठे रलियै, मजूदा ते औने आहली पीढ़िएं लेई घरतै गी मता खुशहाल बनाई सकदी ऐ।

<><><><><><>

DGCA

नागर विमानन महानिदेशालय डीजीसीए नै एयर इंडिया गी निर्देश दित्ते न जे ओ चालक दल दे कर्मचारिएं दे रोस्टर ते समें निर्धारण सरबंघी नियमें च गंभीर उल्लंघन करने लेई त्रै अधिकारिएं गी तुरत प्रभाव कन्नै सब्बै भूमिकाएं ते जिम्मेदारिएं थमां हटान। निदेशालय नै एयर इंडिया गी त्रैने अधिकारिएं खलाफ बिजन कुसै देरी दे अतिरिक्त अनुशासन कारवाई शुरू करने ते इत्त सरबंघे च 10 दिनें दे अंदर रिपोर्ट पेश करने दा बी निर्देश दित्ता ऐ। डीजीसीए नै इक ब्यान च आखेआ जे एह कर्मचारी संचालन छ खामिएं लेइ जिम्मेदार हे। ब्यान च एह बी आखेआ गेआ जे वायु यातायात मार्ग प्रबंधन प्रणाली दी समीक्षा दरान बार बार ते गंभीर उल्लंघने दा जानी-बुज्जियै खुलासा कीता गेआ हा। डीजीसीए नै आखेआ जे इनें अधिकारिएं चालक दल दे सदस्येंद ी ड्यूटी च अनियमितता बारे जरूरी लाइसेंसिंग दा उल्लंघन कीता ते बार बार मानकें दा पालन नेइ कीता।

<><><><><><>

Op Sindu

भारत श्रेत्रीय सम्प्रभुता दा सम्मान करदे होई आपरेशन सिंधु तैहत नेपाल ते श्रीलंका दे लोकें गी ईरान थमां सुरक्षत कड्डेआ जा'रदा ऐ। इक सोशल मीडिया पोस्ट च दस्सेआ गेआ जे नेपाल ते श्रीलंका दी सरकार दी गुजारश दे बाद भारत नै गैह पुट्टी ऐ। तेहरान च भारतीय दूतावास अपने नागरिकें दे कन्नै दक्खन एशिया दे दो गोआंटी देशें च नागरिकें दी निकासी लेई सैहयोग ते सहायता प्रदान करा'रदा ऐ। ईरान च श्रीलंका दे नागरिकें गी सलाह दित्ती गेई ऐ जे ओह टेलीग्राम राएं भारतीय दूतावास कन्नै संपर्क करन जां सोशल मीडिया पर सांझा कीते गे आपातकालीन नंबरें पर बी संपर्क कीता जाई सकदा ऐ।

<><><><><><>

Direct Tax

मली ब'रे 2025-26 लेई प्रत्येक्ष कर संग्रह 19 जून तोड़ी 4.8-6 फीसद बधियै कोई 5 लख 45 ज्हार करोड़ रपे होई गेआ। पिछले ब'रे इस्सै अवधि च एह कोई 5 लख 19 ज्हार करोड़ रपे हा। आयकर विभाग आस्सेआ जारी आंकड़े मताबक अग्रिम कर संग्री 1 लख 55 ज्हार करोड़ रपे शा मता रेआ, जेहड़ा 3.8-7 फीसद दी वृद्धि गी दशग्रंदा ऐ। एहदा कारण कोपरेट अग्रिम कर भुगतान च 5.8-6 फीसद दी वृद्धि दी जदके गैर कोपरेट करदार्ताएं थमां संग्रह च 2.6-8 फीसद दी गिरावट आई।

<><><><><><>

लेफ्टिनेंट गवर्नर मनोज सिन्हा होरें अज्ज 11में अंतर्राष्ट्री योग दिवस आहले कार्यक्रमै च हिस्सा लैता ते योग दिएं बक्ख-बक्ख मुद्राएं दा अभ्यास कीता। उ'नें आखेआ जे अज्जै दी तेज-रफ्तार दुनिया च योग दा महत्व सदा कोला मता ऐ। एलजी होरें आखेआ जे इस ब'रे दा एह ध्याड़ा समूलची मनुक्ख जाति लेई खरी सेहत दे महत्वै गी उजागर करदा ऐ। श्री सिन्हा होरें लोकें गी अपील कीती जे ओह योग गी अपने रोजमर्रा दे जीवन दा हिस्सा बनान ते होरनें गी बी योग करने लेई प्रेरित करन।

मुख्य कार्यक्रम दा आयोजन किशतवाड़ दे ऐतिहासिक चौगान मैदान च कीता गेआ जित्थे 2 ज्हार शा मते मुकामी लोकें योग दे बक्ख-बक्ख आसन कीते। कार्यक्रम बड्डलै 6 बजे शुरू होआ ते एहदे च केई गणमान्य हस्तिएं हिस्सा लैता जि'दे च विधायक शगुन परिहार, डिप्टी कमिशनर पंकज शर्मा, एसएसपी नरेश सिंह ते होर बी केई जने शामिल हे।

इस्सै चाल्ली श्री माता वैष्णो देवी श्राईन बोर्ड आसेआ आर्ट ऑफ लिविंग फाउंडेशन दे सैह्योग कन्नै 11मां अंतर्राष्ट्री योग दिवस पूरे जोश ते जज्बे कन्नै मनाया गेआ। कार्यक्रम दा आयोजन श्री माता वैष्णो देवी स्पोर्ट्स कम्पलैक्स कटरा च कीता गेदा हा। श्री माता वैष्णो देवी श्राईन बोर्ड दे मुख्य कार्यकारी अधिकारी अन्शुल गर्ग होरें इस मौके पर योग दे महत्व पर लोऽ पाई ते आखेआ जे योग दे राहें समाज च सद्भाव ते संतुलन स्थापित कीता जाई सकदा ऐ।

आकाशवाणी जम्मू दे क्षेत्रीय समाचार एकांश आसेआ बी अज्ज 11मां अंतर्राष्ट्री योग दिवस पूरे जोश कन्नै मनाया गेआ। समाचार एकांश दे प्रभारी एन. गुलशन रैना हु'दे मार्गदर्शन हेठ आयोजित इस कार्यक्रमै च एकांश दे सभ्मनें कर्मचारिएं, योग दे बक्ख-बक्ख आसन कीते। कार्यक्रमै च वर्चुअल ढंग्गै'नै हिस्सा लेंदे होई श्री रैना होरें इस पैहल दी सराहना करदे होई सभ्मनें दा दिल बधाया जे ओह योग गी अपने रोजमर्रा दे जीवन दा हिस्सा बनान कीजे एहदे राहें अपने आपै गी मानसिक ते शारीरिक तौर उप्पर तंदरुस्त रखेआ जाई सकदा ऐ।

तोआई जिला प्रशासन रियासी आसेआ बी अज्ज अंतर्राष्ट्री योग दिवस मनाया गेआ। चिनाब दरेया पर बनाए गेदे दुनिया दे सभ्मनें शा उच्चे रेल पुल आहली थाहरै पर योग दा इक खास कार्यक्रम आयोजित कीता गेआ जेहदे च सिविल प्रशासन, उत्तर रेलवे ते केन्द्री रिजर्व पुलस बल दे अधिकारिएं-कर्मचारिएं सने मुकामी लोकें ते योग प्रेमिएं बी बधी-चढ़ियै हिस्सा लैता।